

《無量壽經優婆提舍願生偈》 補充講表

◎附表四：

○觀彼世界相，勝過三界道。（總說）

※《印光大師文鈔菁華錄》云：「世間所有，若根身、若世界，皆由眾生生滅心中，同業

別業根身所感，皆有成壞，皆不久長。身則有生、老、病、死，界則有成、住、壞、空。所謂物極必反，樂極生悲者，此也。以因既是生滅，果亦不能不生滅也。極樂世界，乃阿彌陀佛徹證自心本具之佛性，隨心所現不思議稱性莊嚴之世界，故其樂無有窮盡之時期。譬如虛空，寬廓廣大，包含一切，森羅萬象。」

又云：「須知一切眾生，皆具佛性。故佛令人念佛求生西方，以仗阿彌陀佛之大慈悲願力，亦得受用此不生不滅之樂。以根身，則蓮花化生，無生老病死之苦；世界，則稱性功德所現，無成住壞空之變。雖聖人亦有所不知，況以世間生滅之法疑之乎？」

◆極樂淨土與娑婆世界之比較

娑婆世界：添夢者也——惡夢也

極樂淨土：醒夢者也——好夢也

○無垢光燄熾，明淨曜世間（以下糅合《往生論註》）

◆此二句，名莊嚴妙色功德成就。佛本何故起此莊嚴？見有國土，優劣不同；以不同故，高下以形；高下既形，是非以起；是非既起，長淪三有。是故興大悲心，起平等願，願我國土光燄熾盛，第一無比。

◆他化自在天金，比安樂國中光明則不現。所以者何？彼土金光，從絕垢業生故，清淨無不成就故。安樂淨土，是無生忍菩薩淨業所起，阿彌陀如來法王所領，阿彌陀如來為增上緣故。是故言：「無垢光燄熾，明淨曜世間。」曜世間者，曜二種世間也。

※《佛說無量壽經》云：「令我作佛，國土第一。其眾奇妙，道場超絕，國如泥洹，而無等雙。」（以下為四十八願之第二十七願、一切嚴淨）

※《佛說無量壽經》云：「設我得佛，國中天人，一切萬物，嚴淨光麗，形色殊特，窮微

極妙，無能稱量。其諸眾生，乃至逮得天眼，有能明了，辨其名數者，不取正覺。」

※《佛說無量壽經》云：「佛告阿難：無量壽佛，威神光明，最尊第一，諸佛光明所不能

及。」

※《佛說無量壽經》云：「無量壽佛，光明顯赫，照曜十方，諸佛國土，莫不聞焉。不但

我今稱其光明，一切諸佛、聲聞、緣覺、諸菩薩眾咸共歎譽，亦復如是。」

◆以下為《佛說無量壽經》之聞光利益。分三：

一、稱說得隨願往生益

若有眾生，聞其光明威神功德，日夜稱說，至心不斷，隨意所願，得生其國。

二、往生得如佛光明益

為諸菩薩、聲聞之眾，所共歎譽，稱其功德。至其最後得佛道時，普為十方諸佛菩薩，歎

其光明，亦如今也。

三、結歎

佛言：我說無量壽佛光明威神，巍巍殊妙，晝夜一劫，尚未能盡。

○寶性功德草，柔軟左右旋，觸者生勝樂，過迦旃隣陀（用草來比喻淨土七寶妙物）

◆此四句，名莊嚴觸功德成就。佛本何故起此莊嚴？見有國土，雖寶重金玉，不得為衣服；

雖珍玩明鏡，無議於敷具。斯緣悅於目，不便於身。身眼二情，豈弗矛盾乎？是故願言：使我國土，人天六情，和於水乳，卒（終究）去楚越之勞。所以七寶柔軟，悅目便身。

◆迦旃隣陀者，天竺柔軟草名也，觸之者能生樂受，故以為喻。（糝合《往生論註》）

○寶華千萬種，彌覆池流泉，微風動華葉，交錯光亂轉。以下糝合《佛說無量壽經》

※《佛說觀無量壽佛經》云：「一一池水，七寶所成。其寶柔軟，從如意珠王生，分為十

四支；一一支，作七寶妙色。黃金為渠，渠下皆以雜色金剛，以為底

沙；一一水中，有六十億七寶蓮華；一一蓮華，團圓正等十二由旬。」

※《佛說無量壽經》云：「又眾寶蓮華，周滿世界。一一寶華，百千億葉，其華光明，無

量種色，青色青光、白色白光，玄黃朱紫，光色赫然，煒煒燦爛，明曜日月。」

庚三、明華放光（以下明蓮華之妙用）

一一華中，出三十六百千億光。

庚四、光中出佛

一一光中，出三十六百千億佛，身色紫金，相好殊特。

庚五、化佛度生

一一諸佛，又放百千光明，普為十方說微妙法。如是諸佛，各各安立無量眾生於佛正道。

○宮殿諸樓閣，觀十方無礙，雜樹異光色，寶欄遍圍繞。以下為《佛說無量壽經》

※《佛說阿彌陀經》云：「又舍利弗！極樂國土，七重欄楯，七重羅網，七重行樹，皆是

四寶，周匝圍繞，是故彼國名為極樂。」

※《佛說無量壽經》云：「佛告阿難：無量壽國，其諸天人，衣服、飲食，華香、瓔珞，

繒蓋、幢幡、微妙音聲，所居舍宅、宮殿、樓閣，稱其形色，高下大小，或一寶二寶，乃至無量眾寶，隨意所欲，應念即至。」

※《佛說觀無量壽佛經》云：「觀寶樹者，一一觀之，作七重行樹想。一一樹，高八千由

旬。其諸寶樹，七寶華葉，無不具足。

一一華葉，作異寶色：琉璃色中，出金色光；玻璃色中，出紅色光；瑪瑙色中，出磲磔光；磲磔色中，出綠真珠光。珊瑚琥珀，一切眾寶，以為映飾。」

◆設我得佛，國土清淨，皆悉照見十方一切無量無數不可思議諸佛世界，猶如明鏡，覩其面像。若不爾者，不取正覺。（第三十一願、照見十方）

◆設我得佛，國中菩薩，隨意欲見十方無量嚴淨佛土，應時如願，於寶樹中，皆悉照見，猶如明鏡，覩其面像。若不爾者，不取正覺。（第四十願、樹中現刹）